

SIARAN MEDIA
Untuk Siaran Segera

RAPID KL MELANJUTKAN WAKTU PUNCAK LRT LALUAN AMPANG/SRI PETALING & MONOREL BERMULA ESOK

- **Bilangan Bas Perantara Percuma Turut Ditambah kepada 34 buah bas**
- **Rapid KL Tambah 100 Kakitangan Sokongan Di 3 Stesen LRT .**

KUALA LUMPUR, 29 Jan 2023 – Lanjutan daripada gangguan perkhidmatan di antara dua stesen (LRT Bandaraya dan LRT Masjid Jamek) akibat penjajaran landasan yang bengkok ("*kinked*") berhampiran stesen LRT Bandaraya, pihak operasi rel akan melanjutkan waktu puncak pagi dan petang bagi operasi LRT Laluan Ampang/Sri Petaling dan Laluan Monorel Kuala Lumpur bermula esok 30 Januari 2023.

Pemanjangan operasi waktu puncak ini adalah untuk memberi kemudahan dan keselesaan kepada pengguna, serta mereka dapat merancang perjalanan lebih awal bagi mengurangkan kesesakan di beberapa stesen rel khususnya di stesen pertukaran LRT Masjid Jamek dan Stesen LRT Hang Tuah.

Waktu puncak pagi akan dipanjangkan dari jam 6.30 pagi hingga 10.30 pagi berbanding jadual asal iaitu 7 pagi hingga 9.30 pagi. Manakala waktu puncak petang pula akan dipanjangkan dari jam 4.30 petang hingga 8.30 malam berbanding jadual asal iaitu 5 petang hingga 7.30 malam.

Berikut adalah operasi waktu puncak dan kekerapan tren berkuatkuasa 30 Januari 2023;

LALUAN	WAKTU	KEKERAPAN TREN	
		Waktu Puncak 6.30pg – 10.30pg 4.30ptg – 8.30mlm	Luar Waktu Puncak 10.30pg – 4.30ptg 8.30mlm – 12tgh mlm
Ampang/ Sri Petaling	Isnin - Jumaat	Setiap 5 minit (CBD) Setiap 10 minit (Non CBD)	Setiap 6 minit (CBD) Setiap 12 minit (Non CBD)
	Sabtu, Ahad & Cuti Umum	Setiap 6 minit (CBD), Setiap 12 minit (Non CBD)	
Monorel KL	Isnin - Jumaat	Setiap 7 minit	Setiap 10 minit

Sabtu, Ahad & Cuti Umum	Setiap 12 minit
----------------------------	-----------------

Bilangan bas perantara percuma juga akan ditambah bermula esok 30 Januari 2023 dengan kekerapan 10 minit bergantung kepada keadaan lalu lintas. Butiran perkhidmatan bas perantara percuma adalah seperti berikut;

NAMA LALUAN	LALUAN	BILANGAN BAS
LRT 9	LRT Hang Tuah – LRT Bandaraya – LRT Hang Tuah	15 Bas
LRT 10	LRT Masjid Jamek - LRT Bandaraya - LRT Masjid Jamek	9 Bas
LRT 11	LRT Sentul Timur - LRT Bandaraya - Stesen LRT Sentul Timur	10 Bas

Nota: Perkhidmatan bas perantara percuma laluan LRT 9 & LRT 11 akan berhenti di stesen-stesen lain di sepanjang perjalanan

Bagi melancarkan perjalanan dan pergerakan penumpang, Rapid KL akan menambah bilangan kakitangan sokongan berjumlah hampir 100 orang bagi mengawal dan membantu penumpang yang memerlukan bantuan di stesen-stesen rel.

Inisiatif ini adalah komitmen Rapid KL dalam memastikan mutu penyampaian perkhidmatan yang diberikan kepada pengguna adalah sentiasa dalam tahap yang terbaik.

Prasarana memohon maaf di atas kesulitan yang dialami oleh para penumpang dan amat menghargai sokongan dan kesabaran anda. Keselamatan para penumpang adalah menjadi keutamaan pihak kami.

#TAMAT#

Dikeluarkan oleh Rapid Rail Sdn Bhd, sebarang pertanyaan media sila hubungi pegawai komunikasi Rapid Rail Sdn Bhd

1. En Mohd Sofian Hilmi, 019 460 1110
2. Pn. Natasha Irwan Serigar, 013 332 2900